

公諱慶涵字君養。崔氏慶州人。曾祖曰誠。縣令。贈參判。祖曰東集。號臺巖。薦學行。官至大君師傅。考曰衛南成均生員。妣全義李氏。參議之華女也。以仁廟癸酉六月五日生。公天分甚異。孝友篤行。生養死葬。皆盡誠無憾。屢占鄉解。今有試券。竟屈於省闈。肅宗己卯七月二十一日歿。享年六十七。年代久遠。事行無得以詳。然聞故老傳。當日逮事者之言。益頎然有古人風望之而可畏云。配永陽李氏。牧使廷機女。承旨敬亭民成孫。仁祖丙子三月二十三日

生。肅宗甲申十一月十八日歿。享年六十九。合葬于慶山北面松下里獨山子坐原。有一男。壽學。縣監。九女。金世欽。校理。文昌。晉。宋煦。鄭斗元。朴雲衢。全聖基。金瑞麟。李國馨。牧使朴徵彩。

五代祖考監察府君行錄

公諱壽學。字德安。崔氏出慶州。至生員諱孟淵。始居大邱。縣令。贈參判諱誠。大君師傅號臺巖。諱東集。生員諱衛南。宣教。即諱慶涵。即公四世也。妣永陽李氏。牧使廷機女。以壬辰正月一日生。公儀幹豐偉。姿性秀美。篤懿倫。輕貨財。

事父母養極滋味。慎終追遠。克盡誠禮。有妹九人。問遺殆竭心。凡於姻戚知友。周窮恤患。惟恐不及。辛未登武科。尋除殿中御史。出知光陽縣。爲政專務清謹。時錦水先生謫在茲邑。隨時問候。極其衛護。瓜遞拜折衝護軍。以不能婚。權貴浩然歸鄉。斷絕世路。教子孫文學。以述先業。竟被權貴家擠陷。謫于雲峯縣。人皆冤之。有暴陳於官者。然終不能伸。以甲午正月五日。歿于謫所。享年六十三。返葬于廣店村丁坐原。配禮安李氏。通德卽地標女。生員廷俊孫。持平號粟園。琪曾孫。己丑十二月六日生。己丑三月二十三日歿。享年六十一。葬同原而在後。男麟錫早歿。次鼎錫以遺命承公祀。次晉錫。一女李桂嵩。次男崙錫。

曾祖妣 贈淑夫人安東孫氏行錄

淑夫人孫氏。安東人。靖平公洪亮之後。中世有諱肇瑞。集賢殿學士。贈吏曹參判。世稱格齋先生。皇考諱命。大濟州牧使。贈兵曹參判。妣

廣州安氏。應奎女。以肅廟庚辰十二月二十日。生淑夫人于竹院里第。自幼姿性貞靜。有識